

Gallica non reperiuntur. Nihil dico de differentia & proprietate trium verborum *Habere, Tenere, Possidere*, quibus in nostra lingua nullus est locus. Idem de istis dicemus: *Habere licere spondes*. Et de istis: *ut mihi ire agere liceat*. Interim stipulationum differentias non attingo, Prætoriarum, judicialium, & communium, in quibus intelligendis hodie perfectissimi & eruditissimi Doctores ita animum fatigant, ut confiteantur praxin earum nullam esse, scientiamque ad usum vitæ omnino inutilem. Hoc tantum dicam, cum ab Imperatore Leone aliisque Principibus formulæ stipulationum sint abolitæ, qui constituerunt, ut omnes conventiones, quibuscunque etiam verbis inclusæ, sint obligatoriæ, error esse videtur, tempus impendere exigendis, exanimandisque verbis, particulis & syllabis antiquarum formularum. Testimonii causa non citabo nisi Jurisconsulti Pauli auctoritatem, qui de simplicitate loquens, quæ aliis contractuum & obligationum generibus inerat, sic scribit: *Si in locando, conducendo, vendendo, emendo, ad interrogationem quis non responderit: Si tamen consentitur in id quod responsum est, valet quod actum est, quia hi con-*  
*tra-*